

## Վիքիճամբար - Ֆրանսա 2017

### Հայերեն գրելու մարմաշը

Հայերեն լեզուի սփիւռքեան երրորդ Վիքիճամբարը տեղի ունեցաւ 2017 Օգոստոս 12-էն 20, Ֆրանսայի Պուրպուկ համայնքին մէջ: Կը հետապնդէր զոյգ նպատակներ. խմբագրել Վիքիփետտիայի եւ Վիքիբառարանի յօդաւած հայերէն յօդուածներ, այդպէսով ապահովելու համար նաեւ արեւմտահայերէնի աւելի ստուար ներկայութիւն համացանցի վրայ. եւ որպէս ստեղծագործելու միջոց՝ խանդավառութիւն յառաջացնել լեզուին նկատմամբ:

Ծրագրին մասնակցեցաւ 55 հոգի, որոնց 44-ը երիտասարդ «Վիքիփետտական»-ներ էին (16-էն 24 տարեկան): Աշխատակիցները եկած էին Աթենքէն, Պէրյուքէն, Պրիւսէլէն, Պոլսէն, Լիզպոնէն, Լոս Անճըլըսէն, Լիոնէն, Մարսիլիայէն, Փարիզէն եւ Երեւանէն:

Ճամբարը ստեղծեց այնպիսի միջավայր մը, ուր մասնակիցները ինքնաբերաբար գործածեցին արեւմտահայերէնը, թէ՛ յօդուածներու խմբագրութեան եւ թէ՛ իրենց միջեւ հաղորդակցութեան համար: Ակնկալուածը միայն առաւելագոյն չափով յօդուածներու արտադրութիւնը չէր, այլ նաեւ՝ ստեղծումը այնպիսի մթնոլորտի մը, ուր արեւելահայերէնը դառնար կենսունակօրէն գործածուող, ներշնչող լեզու: Օգնականներու աշխոյժ խումբ մը, որ պատրաստուած էր նման միջավայրերու ստեղծման համար եւ ծանօթ էր Հայկական համայնքներու՝ Արեւմտահայերէնի զարգացման եւ տարածման ծրագրին, անդով աշխատանք տարաւ անհատներու եւ խմբակներու հետ, հարստացնող փորձառութիւն մը ապահովելու համար:

Բացի Վիքիի խմբագրական աշխատանքներու պահերէն, նախատեսուած էին նաեւ զանազան գործունեութիւններ, որոնք կը միտէին լեզուի գործածութեան մէջ մասնակիցներու ինքնավստահութեան մակարդակը բարձրացնելու, քաջալերելու խմբային աշխատանքը, խթանելու մնայուն բարեկամութիւններ: Ընթերցանութեան եւ գրավարժութեան աշխատանոցները, գեղարուեստական պահերը եւ թարգմանական ու լեզուական պատշաճեցման հարցերու նուիրուած հաւաքական վիճարկումները մասնակիցները խորասուզեցին հաճելի եւ աշխոյժ այնպիսի մթնոլորտի մը մէջ, ուր անոնք քաջալերուեցան արեւմտահայերէնի իրենց հմտութիւնները խորացնելու:

Վիքիճամբարը վերջ գտաւ Փաւէն հրաբխային լիճի պտոյտով եւ այցելութեամբ միջնադարեան Պես քաղաքի (Փիւի տը Տոմ), որ Օվերնէի շրջանի ամենէն մեծ թիւով այցելուներ ընդունող վայրերէն մէկն է:

“Վիքիճամբարները Սփիւռքի հայ երիտասարդներուն համար՝ արեւմտահայերէն գրելու իրենց կարողութիւնները բարելաւելու եզակի առիթներ են”, յայտարարեց



Գալուստ Կիլպենկեան Հիմնարկութեան Հայկական համայնքներու բաժանմունքի տնօրէն Ռազմիկ Փանոսեան, աւելցնելով՝ “Երեւոյթը միայն դրական է. աւելի՛ մեծ թիւով յօդուածներ համացանցի վրայ, հայերէնով ըմբռնչուող աւելի՛ մեծ թիւով երիտասարդներ, լեզուի նկատմամբ աւելի՛ մեծ հետաքրքրութիւն եւ նա՛մանաւանդ՝ լեզուի աւելի ստուար գործածութիւն նոր սիւթերու արծարծման համար”:

Արեւմտահայերէնի սփիւռքեան Վիքիճամբարները կը կազմակերպուին Վիքիմեդիա-Հայաստանի կողմէ, հովանաւորութեամբ՝ Գալուստ Կիլպենկեան Հիմնարկութեան: